

# Bersiap sedia hadapi tempoh sukar

» Kejatuhan mendadak harga minyak boleh jejas belanjawan negara



**RITA BENOY  
BUSHON**

**P**ETRONAS dijangka mengkaji semula perbelanjaan modal bertempoh lima tahun iaitu RM300 bilion atau RM60 bilion setahun yang dikurangkan 20 peratus, ekoran kejatuhan harga minyak mentah dunia sejak beberapa bulan kebelakangan ini.

Ini boleh memberi kesan terhadap industri minyak di mana pendapatan industri mungkin berkurangan dan semakan semula anggaran pendapatan mungkin perlu dilakukan.

Kejatuhan harga minyak, jika berlaku secara mendadak, boleh menjelaskan hasil dan belanjawan negara.

## Kesan negatif

Ia kesan daripada aktiviti pelaburan yang terjejas sekali gus mengakibatkan kesan negatif terhadap pertumbuhan ekonomi memandangkan Malaysia negara pengeksport.

Angka kewangan nampak kurang menyenangkan. Dijangkakan bagi setiap penurunan AS\$1 harga minyak mentah, pendapatan negara secara teori boleh menyusut RM1 bilion.

Walaupun rasionalisasi subsidi dan komoditi lain seperti minyak



Penurunan harga minyak mentah dunia **beri kesan negatif** terhadap pertumbuhan ekonomi. [FOTO HIASAN]

sawit dan industri pembuatan mungkin sedikit sebanyak boleh menampung kesan penurunan harga minyak, namun kesan akhir bergantung kepada tahap kejatuhan harga minyak, penyusutan nilai ringgit dan permintaan global.

Kita perlu mempersiapkan diri

untuk menghadapi situasi sukar dalam tempoh masa terdekat.

Syarikat juga dinasihatkan mengkaji semula strategi dan perbelanjaan modal mereka agar dapat mengharungi situasi ekonomi yang kurang menentu ini.

Pada masa sebegini ‘tunai ada-

lah raja’. Dalam ketidaktentuan harga komoditi, Indeks FBM KLCI turut jatuh 75.2 mata atau 4.1 peratus dalam tempoh seminggu daripada 1,820.89 kepada 1,745.69.

Ringgit juga susut dua peratus berbanding beberapa mata wang utama lain di rantau ini.